



Hjálpartækjasýning

ÞRIÐJUDAGUR 4. JÚNÍ 2013



Rannveig Bjarnadóttir forstöðumaður Þekkingarmiðstöðvar ásamt Andra Valgeirssyni tækniráðgjafa, Guðnýju Bachmann og Sigurbjörgu Daniélsdóttur ráðgjöfum.

Stórbætt aðgengi að upplýsingum

Þekkingarmiðstöð Sjálfsbjargar fagnar eins árs afmæli um þessar mundir. Af því tilefni verður haldin hjálpartækjasýning þar sem innflutningsaðilar hjálpartækja sýna nýjungar fyrir hreyfihamlaða. Sýningin er liður í þeirri upplýsingagjöf sem Þekkingarmiðstöðin kappkostar að veita.

Hlutverk Þekkingarmiðstöðvarinnar er að skapa greiðan aðgang að upplýsingum sem safnað hefur verið saman á einn stað og nýttast hreyfihömluðu fólki á einn eða annan hátt, hvort sem hreyfihömlunin er tímabundin eða varanleg. Þeir sem leita til miðstöðvarinnar eru fatlað fólk, aðstandendur þeirra, fagfólk, stofnanir og fyrirtæki sem þurfa upplýsingar, fræðslu eða vilja fara á námskeið.

„Með opnun miðstöðvarinnar var stigið stórt skref í að auka aðgengi fatlaðs fólks að upplýsingum,“ segir forstöðumaðurinn Rannveig Bjarnadóttir.

ÞAKKLÁTT STARF

Viðbrögð þeirra sem hafa leitað til Þekkingarmiðstöðvarinnar benda til þess að þar sé unnið mikilvægt starf: „Sjaldan eða aldrei hef ég fengið jafn greinargóð svör vegna fyrirspurnar af sambærilegum toga.“ „Kærar þakkir fyrir þetta, þú hefur greinilega lagst í mikla rannsóknarvinnu fyrir þetta,“ segir annar.

ÖFLUG HEIMASÍÐA

Leitað er til miðstöðvarinnar af ýmsum ástæðum en helstu fyrirspurnir eru um réttindi, fræðslu, aðgengi, tómstundir og velferð. Þjónustan er gjaldfrjál og er námskeiðsgjöldum haldið í lágmarki. Miðstöðin er opin alla virka daga milli 10 og 16 en auk þess er mikið kapp lagt á góða og gagnvirka heimasíðu, www.thekkingarmidstod.is. Þar má finna hagnýtar upplýsingar um flestallt sem gagnast fötluðu fólki. Má þar nefna upplýsingar um aðgengismál, þjónustu sveitarfélaga, hjálpartæki og næstu námskeið. Á heimasíðunni er fólk sömuleiðis hvatt til að segja frá reynslu sinni til dæmis af aðgengi á ferðalögum innanlands sem utan og deila henni þannig með öðru hreyfihömluðu fólki. „Við hvetjum notendur líka eindregið til að nota netspjallið á heimasíðunni en þar situr ávallt einhver fyrir svörum. Eins er hægt að vera í sambandi í gegnum Facebook og Twitter og í síma 5500118,“ segir Rannveig og tekur fram að hvorki þarf að gefa upp kennitölu né segja til nafns.

HJÁLPARTÆKJASÝNING

Í tilefni árs afmælis Þekkingarmiðstöðvarinnar verður sem fyrr segir haldin hjálpartækjasýning þar sem innflutningsaðilar hjálpartækja sýna nýjungar. „Allir geta haft gagn og gaman af sýningunni því flestir þurfa á hjálpartækjum eða sérlausnum að halda einhvern tímann á ævinni.“ segir Rannveig.

Á sýningunni, sem haldin verður í íþróttahúsinu í Hátúni dagana 7.-8. júní, gefst fólki kostur á að kynna sér á einum stað ýmsar tækninýjungar og hagnýtar lausnir sem henta hreyfihömluðu fólki. „Sýningin er vettvangur þar sem hægt er að sjá hvaða hjálpartæki eru til og jafnvel verður hægt að prófa þau. Greiður aðgangur verður að innflutningsaðilum og hægt er að fá ítarlegar upplýsingar um hvert tæki fyrir sig. Þeir sem sækja sýninguna ættu að verða meðvitaðri um þær leiðir sem hægt er að fara og hvert á að leita upplýsinga. Þeir ættu því að hafa betri forsendur til að velja og hafna þeim möguleikum sem í boði eru.“

„Sjaldan eða aldrei hef ég fengið jafn greinargóð svör vegna fyrirspurnar af sambærilegum toga“

www.thekkingarmidstod.is
Mikið magn upplýsinga sem varða daglegt líf fatlaðs fólks.

- Opið 10-16
- Hátúni 12
- Allar upplýsingar á einum stað
- Styrkjum fatlað fólk til sjálfstæðs lífs
- Bjóðum upp á námskeið og fræðslu
- Miðlum upplýsingum á jafningja-grundvelli
- Erum hlutlaus upplýsingaveita

Léttasti hjólastóll í heimi

Verslunin Eirberg selur vörur sem eiga það sameiginlegt að bæta heilsu og auka lífsgæði fólks. Þar á meðal eru alls kyns hjálpartæki. Á hjálpartækjasýningunni sem Þekkingarmiðstöð Sjálfsbjargar stendur fyrir um næstu helgi mun starfsfólk verslunarinnar kynna fjölmörg hjálpartæki, þar á meðal léttasta hjólastól í heimi.

Panthera X, sem fæst hjá Eirbergi, er léttasti hjólastóll í heimi. Hann er gerður úr koltrefjum og vegur einungis 4,4 kíló. Ramminn er 2,1 kíló að þyngd og flestir geta lyft honum með annarri hendi. „Stóllinn er aðallega hugsaður fyrir mjög virka notendur sem vilja vera mikið á ferðinni og er til að mynda sérstaklega auðvelt að kippa honum með í bíl,“ segir Jóhanna Ingólfssdóttir, iðjubjálfi hjá Eirbergi.

Mænuskaðaðir einstaklingar hafa að sögn Jóhönnu mest not fyrir stóllinn. „Hjá þeim koma hjólastólar í stað fóta og þá er mikilvægt að þeir séu fallegir og hönnunin góð. Setstaðan þarf sömuleiðis að vera góð og jafnvægispunkturinn í lagi.“ Jóhanna tekur þó fram að notendur þurfi að vera nokkuð vanir því að aka hjólastól. „Stóllinn er ekki með veltivörn og því ekki ákjósanlegur fyrsti stóll.“

Pantera er sænskur framleið-

andi en Svíar eru mjög framfarlega í þróun og framleiðslu á hjólastólum. „Eirberg hefur lengi selt Panthera-hjólastóla og eru margir hverjir afar léttir og fyrirferðarlitlir þótt Panthera X sé langtum léttastur,“ segir Jóhanna.

Á sýningunni verða einnig til sýnis hjálparmótorar á hjólastóla sem eru hugsaðir fyrir fólk með skerta hreyfigetu í höndum. „Með hjálp þeirra þarf lítið aukáttak til að drífa stólana áfram en það er líka hægt að stilla það eftir þörfum. Þannig geta þeir sem hafa lítinn kraft í höndum rúllað sér áfram af sjálfsdáðum og þurfa ekki að vera háðir því að aðrir keyri,“ segir Jóhanna. Af öðrum nýjungum má nefna aukahjól framán á hjólastóla sem auðveldar fólk að aka um í náttúrunni. „Þá lyftast framhjólín upp sem gerir notendum auðveldara að aka á grasi eða möl.“

Á sýningunni verður Eirberg með úrval af hjálpartækjum,

meðal annars göngugrindur, rafskutlu, stigalyftu og alls kyns bað- og salernishjálpartæki. „Þá verðum við með til sölu ýmiss konar smátæki sem gagnast í eldhúsi og við ýmsar tómsundir. Þau eru meðal annars hugsuð fyrir gigtveika, aldraða og þá sem hafa lítinn kraft í höndum. Má þar nefna griptangir, eldhúsahöld, sokkaífarur og annað sem hjálpar til við athafnir daglegs lífs,“ segir sjúkrabjálfi Karen Bjarnhéðinsdóttir.

Eirberg er til húsa að Stórhöfða 25 og er verslunin opin alla virka daga frá 9 til 18. Þar er lögð rík áhersla á faglega ráðgjöf og leiðbeiningar. Þar starfa iðjubjálfi, sjúkrabjálfi, hjúkrunarfræðingar og þroskabjálfar sem aðstoða við val á viðeigandi hjálpartækjum.

Í vefversluninni eirberg.is er að finna yfirlit yfir alla vöruflokkana. Þar er bæði hægt að glöggva sig á vörurvalinu og leggja inn pantanir.



Hjá Eirbergi starfa fagfólk sem aðstoðar við val á tækjum. Frá vinstri: Elfa Gylfadóttir þroskabjálfi, Karen Bjarnhéðinsdóttir sjúkrabjálfi og Jóhanna Ingólfssdóttir iðjubjálfi. Panthera X er, eins og sjá má, ekki sérlega fyrirferðarmikill. MYND/GVA

Fastus veitir vandaðar lausnir

Fagþekking, reynsla og persónuleg þjónusta eru aðalmerki **Fastus** og tryggja viðskiptavinum vandaða og faglega þjónustu.

Méðan á sýningu Þekkingarmiðstöðvar Sjálfsbjargar stendur verða iðjubjálfi og sjúkrabjálfi frá Fastus til ráðgjafar varðandi vörur og þjónustu fyrirtækisins. Á sýningunni verður fjölbreytt úrval af hjálpartækjum, eins og vinnustólar, bað- og salernishjálpartæki, hjólastólar, rafskutlur og göngugrindur. Einnig smáhjálpartæki, æfingateki, stuðningshlífar og spelkur. Fólk mun gefast kostur á að prófa hin ýmsu hjálpartæki og endurhæfingavörur,“ segir Svava Guðmundsdóttir, iðjubjálfi hjá Fastus.

„Við vonumst til að sjá sem flesta og geta kynnt þeim hvað Fastus hefur að bjóða í þessum málaflokki. Markmið okkar er að miðla þekkingu til þeirra sem hafa þörf fyrir hjálpartæki og aðstandenda þeirra en einnig til fagfólks. Við viljum sýna hvernig við getum liðsinn einstaklingum sem leita lausna sem auka virkni þeirra og sjálfsstæði í daglegu lífi.“

PERSÓNULEGAR LAUSNIR SEM VIRKA

Fastus var stofnað 2006 og hjá fyrirtækinu starfa nú 28 manns.

„Fastus samanstendur af fyrirtækjastöðum, sem sinnir þjónustu við stór eldhús, veitingahús og matvælfyrirtæki, og heilbrigðisæfingastöðum, sem sinnir þjónustu við spítala, hjúkrunarheimili, Sjúkratryggingar Íslands, endurhæfingardeildir, rannsóknarstofur og aðrar stofnanir innan heilbrigðisgeirans,“ útskýrir Svava um starfsemi Fastus.

Hún segir Fastus bjóða heildstæða þjónustu fyrir heilbrigðisgeirann og að þar starfi öflug liðsheild með mikla þekkingu.

„Þar starfa til að mynda iðjubjálfi, sjúkrabjálfi, hjúkrunarfræðingur og líf-fræðingur sem leggja metnað í persónulega og faglega þjónustu og vandaðar lausnir



Hjá Fastus mætir viðskiptavinum alúðleg og fagleg þjónusta. Frá vinstri er Sandra Hjálmarsdóttir hjúkrunarfræðingur, þá Herdis Þórisdóttir sjúkrabjálfi, Svava Guðmundsdóttir iðjubjálfi og Gunnhildur Gunnlaugsdóttir þjónustufulltrúi. MYND/GVA

sem virka,“ segir Svava um heilbrigðisvið Fastus, sem er víðfeðmt.

„Við bjóðum fjölbreytt úrval lækninga- og hjúkrunarvara, eins og ýmis skoðunartæki, hjartastuðtæki, svæfingavélur, skurðstofuhanska og næringu, ásamt aðgerða- og aðhaldsfatnaði,“ upplýsir Svava.

Fastus er stærsti birgji búnaðar fyrir

Landspítalann – háskólasjúkrahús.

„Við rekum afar öflugt rannsóknarsvið, þar sem Blóðbankinn er stærstur viðskiptavina. Þar seljum við meðal annars efnavörur, kæliskápa, vogir og hvers kyns rekstrarvörur. Einnig erum við með öfluga tækniþjónustu og leggjum mikla áherslu á öfluga tækni-, viðgerða- og varahlutabjón-

ustu þar sem sérþjálfaðir starfsmenn annast viðhald á lækninga- og endurhæfingartækjum, rannsóknartækjum og tækjabúnaði stóreldhúsa.“

RÁÐGJÖF UM VAL Á HJÁLPARTÆKJUM

Innan heilbrigðisæfingavæðis Fastus fæst yfirgrípsmikið úrval hjálpartækja fyrir alla aldurshópa.

„Við leggjum mikinn metnað í að finna lausnir sem virka fyrir börn og fulloröna sem þurfa á hjálpartækjum að halda. Við vinnum náið með Sjúkratryggingum Íslands og Fastus hefur flestöll hjálpartæki í samning við þá. Einnig erum við með öldrunarsvið þar sem hægt er að fá ráðgjöf um val á sjúkra- eða hjúkrunarrúmum, heilsudýnum, loftdýnum, rafknúnum baðkörum, baðstólum og fólksflutningstækjum,“ upplýsir Svava og er þá ótalið endurhæfingar- og sjúkrabjálfunarsvið þar sem finna má gott úrval tækja til sjúkrabjálfunar, auk ýmissar rekstrarvöru. Þar má nefna úrval af stuðningshlífum og spelkum, sem er ný þjónusta og fer hratt vaxandi.

„Við höfum góða aðstöðu til að taka vel á móti viðskiptavinum og veitum góða og faglega ráðgjöf um val á vörum og hjálpartækjum,“ segir Svava. „Í Fastus er rúmgóður sýningarsalur þar sem skoða má hjálpartæki sem eru með samning við Sjúkratryggingar Íslands og vörur innan öldrunar og endurhæfingar. Flestum kemur á óvart hversu ríkulegt úrval hjálpartækja er til. Við leggjum áherslu á að fólk geti alltaf leitað til okkar og fundið lausn sem þeim hentar. Það er á okkar ábyrgð að upplýsa fólk um þær vörur og þjónustu sem við getum veitt. Því gerum við mikið af því að fara út á meðal fólks og vera með kynningar og fræðslu um land allt. Við hlökkum því til að sjá sem flesta 7. og 8. júní.“



Elías Gunnarsson framkvæmdastjóri, Kristina Andersson stoðtækjasmíður og Gíslný Bára Þórðardóttir þroskaþjálfari.

MYND/ANTON



Borgþór Sveinsson með Permobil-rafmagnshjólástól sem er útistóll sem kemst víða.

MYND/ANTON

Þjónusta og stuðningur síðan 1982

Fyrirtækið **Stoð** skilgreinir sig sem þjónustufyrirtæki og býður upp á fjölbreyttar vörur og þjónustu handa flestum sem þurfa á stoð- og hjálpartækjum að halda. Stoð tekur þátt í hjálpartækjasýningu Þekkingarmiðstöðvar Sjálfsbjargar. Forsvarsmenn segja hana frábært tækifæri til að kynna nýjungar.

Stoð er rótgróid þjónustufyrirtæki sem sinnir einstaklingum sem vegna fötlunar, veikinda eða meiðsla þurfa á stuðningi að halda. Þannig þjónustar Stoð einstaklinginn að beiðni hans og fagaðila í þverfaglegri samvinnu, segir Elías Gunnarsson, framkvæmdastjóri Stoðar. „Við mælum ávallt með þeirri lausn sem best hentar hverjum og einum. Markmið okkar er að vera besta þjónustufyrirtækið á okkar sviði.“

Fyrirtækið var stofnað árið 1982. Starfsemin var smá í sniðum í upphafi og störfuðu einungis tveir stoðtækjafræðingar, einn starfsmaður á verkstæði og mótökuritari hjá fyrirtækinu. Stoð fór hægt stækkandi að umfangi og í dag starfa 26 manns hjá fyrirtækinu. Þar af eru sex stoðtækjafræðingar, einn sjúkraskósmíður og tveir skósmíðir. Auk þeirra starfa hjá Stoð stoðtækjasmíðir, þroskaþjálfari, íþróttufræðingur og fleira

gott fólk. Árin 2004-2005 var núverandi húsnæði að Trönuhrauni 8 í Hafnarfirði endurgert og er nú mjög góð aðstaða þar til móttöku og gott aðgengi fyrir alla.

ÞJÓNUM BREIÐUM HÓPI

Elías segir starfsemi fyrirtækisins upphaflega hafa verið stoðtæki, það er spelkur, gervilimi, innlegg og skó. Stoðtækin eru enn kjarnastarfsemi Stoðar. „Á árunum 2000-2002 varð sú breyting að

við fórum að skilgreina okkur sem þjónustufyrirtæki og bættum við hjálpartækjagæild. Markmiðið var að geta boðið vörur og þjónustu sem gæti hjálpað sem flestum sem þyrftu á stoð- og hjálpartækjum af einhverju tagi að halda. Þá komu inn hjólástólar, rúm, göngugrindur og ýmis önnur hjálpartæki.“

Sýningin hjá Þekkingarmiðstöð Sjálfsbjargar dagana 7.-8. júní er að sögn Elíasar frábært tækifæri til að kynna nýjustu hjálpartækin

bæði fyrir notendum og fagfólki.

Stoð er einnig með ýmsar mjúkvörur eins og gervibrjóst og tengdar vörur, hárkollur og höfuðföt. Einnig er Stoð með fjölbreyttar lausnir í þrýstingsumbúðum, allt frá þrýstingssokkum fyrir þreytta fætur upp í sérsaumaðar umbúðir fyrir öflugri þrýstingsmeðferð.

Nánari upplýsingar um vörur og þjónustu fyrirtækisins má finna á www.stod.is.



Guðrún Dadda Ásmundsdóttir, iðjupjálfi hjá Öryggismiðstöðinni, vonast til að hjálpartækjasýning þekkingarmiðstöðvar Sjálfsbjargar muni opna augu fólks fyrir nýjum möguleikum.

Fjölbreytt úrval lausna, smáhjálpartæki og tölvur með augnstjórnun

Á hjálpartækjasýningunni sem Þekkingarmiðstöð Sjálfsbjargar stendur fyrir næstu helgi mun **Öryggismiðstöðin** sýna hjálpartæki til að einfalda daglegt líf hins almenna notanda.

Guðrún Dadda Ásmundsdóttir, iðjupjálfi hjá Öryggismiðstöðinni, segir sýninguna einkum hugsaða fyrir þá sem búa heima og þurfa einhvers konar aðstoð og stuðning. „Við sýnum búnað sem hentar einna helst notendum í heimahúsum, enda eru það þeir sem munu koma og sjá sýninguna. Megináherslu leggjum við á hluti eins og augnstýrðar tölvur, breytingar á bílum, rafskutlur og rafmagnshjólástóla. Það er langt síðan síðast var boðið upp á svona sýningu fyrir notendur stuðnings- og hjálpartækja þannig að ég vona að þessu verði vel tekið og sem flestir mæti.“

FLÓKIN TÆKI TIL AÐ EINFALDA LÍFIÐ

Hjálpartækin eru af ýmsum toga, bæði svokölluð smáhjálpartæki og flóknar tölvur sem stýrt er með augunum. „Á sýningunni verður fulltrúi frá Tobii, sem er leiðandi fyrirtæki í heiminum í tjáskiptatækni. Tobii er fyrirtæki sem framleiðir hugbúnað

sem auðveldar tjáskipti, til dæmis fyrir fólk sem hefur ekki rödd eða hefur skerta hreyfingu,“ segir Guðrún. Tölvurnar þjóna raunar breiðum notendahópi, en þær eru allt frá því að vera hjálpartæki til að styðja við málþroska barna með þroskahömlun yfir í að vera augnstýrðar tölvur til að einfalda daglegt líf einstaklinga með hreyfihömlun. „Til dæmis geta tölvurnar komið sér vel fyrir MS-sjúklinga sem hafa misst röddina og handa-hreyfingar og geta aðeins notað augnhreyfingar til að tjá sig,“ útskýrir Guðrún. Þá er hægt að tengja tölvurnar við svokallaðan umhverfisstjórnunarbúnað, sem gerir notendum kleift að svara í símann, kveikja á útvarpinu, önnur útidyrnar fyrir gestum og fleira. Þannig má auka sjálfstæði þessa notenda til muna.

KYNNA NÝJA MÖGULEIKA

Auk flókinna tölvu verða hin ýmsu smáhjálpartæki til sýnis. „Til eru ýmiss konar hjálpar-

„Við sýnum búnað sem hentar einna helst notendum í heimahúsum.“

tæki sem almenningur hefur ekki hugmynd um en gætu hæglega orðið þeim að liði í hinu daglega lífi. Til dæmis má nefna sérsniðin skæri fyrir gigtarsjúklinga sem glíma við kraftleysi í höndum,“ segir Guðrún og vonar að sýningin opni augu fólks fyrir möguleikum sem það hafði ekki séð fyrir.

Hjálpartækjasýningin verður föstudaginn 7. júní og laugardaginn 8. júní næstkomandi í íþróttahúsinu Hátúni 14, opin 10-17 báða dagana. Í tjaldi fyrir utan íþróttahúsið verða til sýnis breyttir bílar, sniðnir að þörfum fólks með fatlanir. Auk þess verður Öryggismiðstöðin með hjólástóla og rafskutlur sem fólki býðst að prófa.



Sérfræðingar Össurar hf. leita stöðugt nýrra leiða í þróun stuðningstækja fyrir þá sem misst hafa útlím.

MYND/ÖSSUR HF



„Við teljum að heilbrigður lífsstíll og hreyfing geti dregið úr slitsjúkdómum og breytt meðferð,“ segir Þorvaldur.

MYND/ÖSSUR HF

Leitum stöðugt nýrra leiða

Össur hf. er leiðandi fyrirtæki á heimsvísu í hönnun og framleiðslu stoð- og stuðningstækja. Fyrirtækið tekur þátt í hjálpartækjasýningu þekkingarmiðstöðvar Sjálfsbjargar og sýnir þar brot af vörum og framleiðslu fyrirtækisins. Sérfræðingur veitir upplýsingar á staðnum.

Við teljum að heilbrigður lífsstíll og hreyfing geti dregið úr slitsjúkdómum og breytt meðferð. Stuðningstæki okkar, gervilímur og spelkur stuðla að því að auðvelda okkar viðskiptavinum það,“ útskýrir dr. Þorvaldur Ingvarsson, framkvæmdastjóri rannsókn- og þróunarviðs Össurar hf., en fyrirtækið sýnir stoðtæki á hjálpartækjasýningu Þekkingarmiðstöðvar Sjálfsbjargar, sem fram fer dagana 7.-8. júní.

Þorvaldur segir Össur hf. stöðugt leita nýrra leiða í þróun stoð-

tækja fyrir þá sem misst hafa útlím sem og stuðningsvörur fyrir þá sem þurfa vegna slitinna liðbanda, beinbrota eða slitgigtar. Fyrirtækið sé leiðandi á heimsvísu.

„Meginlausnir okkar snúa að aflimuðum og þar eigum við allar tæknilausnir sem henta þörfum hvers og eins. Hjá Össuri starfa margir sérfræðingar við þróun og tæknilausnir og nýtum við þá þekkingu sem við höfum aflað á sviði stoðtækja til að vinna að betri lausnum varðandi slitgigt og slitin liðbönd.“

„Á hjálpartækjasýningunni munum við sýna brot af okkar vörum, gervifætur, gervihné og spelkur sem styðja við brot, spelkur sem dreifa álaginu á slitnum liðum og fleiri vörur. Sem dæmi má einnig nefna eina nýjung, stígvél eða loftspelku, sem hægt er að nota í staðinn fyrir gifs.“

Sérfræðingur Össurar verður á staðnum og veitir allar upplýsingar um fyrirtækið og útskýrir virkni varanna, fólk getur skoðað vörurnar og jafnvel prófað einhverjar þeirra.“



Þorvaldur Ingvarsson, læknir og framkvæmdastjóri rannsókn- og þróunarviðs Össurar hf.

MYND/ANTON

Happdrætti Sjálfsbjargar 2013

– þinn stuðningur skiptir máli!

Með kaupum á **happdrættismiða Sjálfsbjargar landssambands fatlaðra** tekur þú þátt í að efla Þekkingarmiðstöð Sjálfsbjargar. Happdrættið er megintekjulind samtakanna og gott gengi þess er forsenda fyrir því að Sjálfsbjörg geti haldið úti öflugri baráttu og stutt við uppbyggingu mikilvægra verkefna.

Með dyggum stuðningi almennings hefur Sjálfsbjörg landsamband fatlaðra oft verið frumkvöðull að uppbyggingu nýrrar þjónustu fyrir hreyfihamlað fólk í landinu. Má þar nefna stofnun Hjálpartækjabankans í samstarfi við Rauða krossinn á Íslandi. Samtökin settu ferðaþjónustu fatlaðra á laggirnar í samstarfi við Reykjavíkurborg. Stærsta verkefnið og það sem enn er í gangi á vegum Sjálfsbjargar er starfsemi í Sjálfsbjargarhúsinu að Hátúni 12 Reykjavík. Þar er hýst margvísleg starfsemi. Má þar helst nefna búsetuúrræði fyrir fatlaða fólk, þjónustumiðstöð, sundlaug, endurhæfingaríbúð og Þekkingarmiðstöð Sjálfsbjargar sem er nýjasta verkefnið, en ár er nú síðan að miðstöðin opnaði. Verkefnið er samstarfsverkefni Sjálfsbjargar og velferðarráðuneytisins.

Þekkingarmiðstöð Sjálfsbjargar safnar og miðlar hagnýtum upplýsingum sem gagnast fótluðu fólki um allt land. Sjálfsbjörg er mikið í mun að festa Þekkingarmiðstöðina í sessi enda hefur á þeim mánuðum sem liðnir eru frá opnun komið í ljós hversu mikilvæg miðstöðin er. Í tilefni af ársafmælinu mun Þekkingarmiðstöðin standa fyrir sýningu á hjálpartækjum fyrir fatlaða. Sýningin verður haldin föstudaginn 7. júní og laugardaginn 8. júní næstkomandi í íþróttahúsi Íþróttafélags fatlaðra að Hátúni 14 Reykjavík. Frítt er inn á sýninguna og eru gestir og gangandi velkomnir.

Á hjálpartækjasýningunni sýna innflutningsaðilar á hjálpartækjum tækninýjungar og lausnir sem henta sérstaklega hreyfihamlaðu fólki. Allur almenningur getur þó haft gagn og gaman af sýningunni.

Með kaupum á happdrættismiða Sjálfsbjargar landssambands fatlaðra tekur þú þátt í að efla Þekkingarmiðstöð Sjálfsbjargar. Happdrættið er megintekjulind samtakanna og gott gengi þess er forsenda fyrir því að Sjálfsbjörg geti haldið úti öflugri baráttu og stutt við uppbyggingu mikilvægra verkefna.

GÓÐIR VINNINGAR ERU Í BOÐI

Fyrsti vinningur er Chevrolet-bifreið að verðmæti um 3 milljónir króna. Aðrir vinningar eru iPhone 5 farsímar, bensínúttektir og gjafakort. Dregið verður í happdrættinu 24. júní 2013.

Þinn stuðningur skiptir Sjálfsbjörg miklu máli.



Andri Valgeirsson, starfsmaður Sjálfsbjargar, með happdrættismiða samtakanna.

MYND/ANTON

● SJÁLFSBJARGARHEIMILIÐ – FYRIRMYNDARSTOFNUN

Sjálfsbjargarheimilið er í eigu Sjálfsbjargar landssambands fatlaðra og hefur verið rekið í Sjálfsbjargarhúsinu Hátúni 12 í Reykjavík frá árinu 1973. Helstu þættir starfseminnar eru búseta, þjónustumiðstöð, endurhæfingaríbúð, sundlaug og þekkingarmiðstöð. Starfsmenn eru tæplega 100 í um 60 stöðugildum. SFR – stéttarfélag í almannaðjónustu hefur allt frá árinu 2006 staðið að könnun meðal félagsmanna sinna undir yfirskriftinni Stofnun ársins. Tilgangur könnunarinnar er að gera stjórnendum kleift að vinna markvisst að úrbótum þar sem þeirra er þörf og veita stjórnendum aðhald til hagsbóta fyrir starfsfólk.

Sjálfsbjargarheimilið hefur verið með frá upphafi og ætíð hefur öllum starfsmönnum verið boðið að taka þátt. Árin 2006, 2008, 2009 og nú síðast í ár, 2013, tók heimilið á móti viðurkenningu sem fyrirmyndarstofnun. Þessar viðurkenningar gefa stjórn og starfsmönnum Sjálfsbjargarheimilisins byr í seglin.

